





夢澤集卷之四

黃岡王

詩

送倫子畢娶歸

君不見倫氏之子才絕倫。少小屬文如有神。  
風雲獨奮九萬里。身世初經二十春。獻賦朝趨北闕下。  
上書暮歸南海濱。誰知弱冠親迎客。已作君王侍從臣。  
珠明玉潤元相媚。苑柳宮花春自醉。霄漢翻為真鴈行。





鄉閭競訝乘龍至。烏鵲橋邊問石羊。鳳凰樓上吹簫地。富貴婚姻慶非小。文采風流古來少。花燭初從華館張。鑪烟屢夢清班繞。當朝爾是歲星魂。避世還來金馬門。他年割炙詎諧日。方朔重沾漢主恩。

發裕州短歌

點卒前來意氣雄。當垓縛我囚車中。颯颯驚飈動地至。城捲赤霧摧丹楓。城中之人走相視。城外蕭蕭嘶曉轡。道上殘楊掃凍

惟過。鴈鳴蟬雙迸淚。人生作吏何太苦。囊無一錢身被虜。可憐妻子盡畏途。南征白晝愁豺虎。古來玉石怨俱焚。骯髒安能就珪組。

聞子言消息因作短歌寄贈

憶昔江楓赤葉下。含悽別子城之隅。買餉遙尋沔陽守。張燈夜宴郎官湖。宴罷迢迢歷鄉縣。行邊死轉隨游筇。過境能令車馬逐。歸途翻為鶯花戀。大梁才子更相留。平



臺大。雪揮金甌。囊裏贈金快意盡。聞君累  
月醉青樓。春生始渡黃河岸。入門妻子親  
為爨。壁上龍泉今在魚。因歌長夜何時旦。  
楚客相思不記年。尺書魚復到南天。江馬  
故人祿苦薄。寂寞誰當送酒錢。江上忽逢  
燕地客。停杯問訊悲今昔。丈夫不仕空有  
才。世人誰識文章伯。况子丹房已屬人。茅  
茨低小莫容身。堂前燕雀俱飛去。洞口靈  
芝祇自春。

胡生行

廣陵胡生少且孤。十五已作奔竄徒。踪跡  
彷彿不可詰。向人長跪乞為奴。苦遭惡少  
相窘迫。飲令行酒乘前驅。片語不投。怒詈  
起。鞭笞竟百。臀無膚。季布髡鉗不辭辱。范  
睢折摺仍見拘。夜半群奴解其縛。生也遂  
得踰垣逋。頃來江上始一見。造次能將書  
自薦。畏途倚藉即交親。杯酒酣歌忘貧賤。  
乍喜仍愁若病狂。忌言往事慚顏面。從來



龍性不可馴。須知豹采終當變。二年展轉  
客浹川。浹川人士盡相憐。卓家文君正新  
寡。琴中疊奏求鳳篇。共羨名姝諧賦客。俄  
驚碧海變桑田。恩情中路忽棄捐。白頭之  
吟誰為傳。泛梗飄飄貪別浦。浮雲冉冉向  
遙天。人言胡生太不才。我獨念之增悲哀。  
男兒失意無醜好。高名自古為身災。故將  
踈放取嘲笑。吁嗟俗議真愚哉。

憶昔行寄張龍湖內翰

憶昔赤壁張華筵。與君共醉長江邊。白鳥  
飛隨金馬客。蒼苔坐嘯赤墀賢。豈知雲雨  
歡不延。尊前紅日墮山川。予逐白雲歸楚  
澤。君隨明月上青天。天中謁聖人。獻納  
為近臣。馬遷石室羞前史。方朔金門見後  
身。鸚鵡州邊忽分手。鳳凰池上頻回首。但  
使同心各一方。何須對面銜杯酒。俱稱賦  
客異升沈。臨風三復白頭吟。相如未逢揚  
得意。漢室誰當奏上林。



楚岸吟寄年子

楚岸長楊垂至地。百鳥嬌啼春自醉。晴絲  
冉冉墮碧空。風光頗為遊人媚。我家黃子  
國。君住鄂王城。大江東下雲霧接。滔滔應  
瀉故人情。憶初同領南宮宴。白馬青袍花  
映面。本期霄漢並翱翔。寧知世路多更變。  
我歸十年前。君歸十年後。榮華顛倒若夢  
中。人情翻覆無不有。安能顧墮甌。自今心  
不開。陰巖積古雪。白日何當來。我將振衣

從子遊。請君洒掃鸚鵡洲。遲日經行桃竹  
杖。烟波搖漾木蘭舟。須令漢水變春酒。更  
遣大別為糟丘。蛟龍自吟鶴自舞。仙人鉄  
笛沈高樓。留連坐待明月上。翠娥勸飲來  
沙頭。竹林諸賢真瓊瑣。高陽酒徒安足儔。  
吁嗟此會難即得。使我悵望無時休。君不  
見楚宮寂寞臺殿荒。歲歲東風開野棠。三  
閭顛顛行吟處。千古猶傳杜若香。丈夫眼  
底安足計。君行采采莫相忘。



寄曹仲禮

吁嗟梁甫吟何哀。白日黯慘浮雲迴。繁華  
忽與東風別。幽壑不見陽春來。憶初謁帝  
承明廬。頗將詞賦追相如。意氣當時惟爾  
我。文章絕代互吹噓。正逢漢武勤邊畧。同  
奏文園諫獵書。杞國憂天傾。傍人笑為狂。  
精衛枉銜沙。何禪海茫茫。雷雨晦冥起倉  
卒。散失非我能周防。寧知垂翅青天後。虞  
羅獵矢猶徬徨。予仍下獄大梁城。謗議雷

同真吠聲。全生虎口信不易。一死鴻毛良  
可輕。摧眉覩面復苟活。踟躕天踰地長悲鳴。  
前榮後枯嗟世事。翻雲覆雨見人情。昔日  
結交二三子。張口欲言禍及矣。請兵誰為  
哭秦庭。擊筑何曾歌易水。感君山嶽心不  
移。張公神劍合有時。矯首南天瞻北極。聊  
持芳草寄相思。

張公行

張公一生豪俠徒。作吏風塵性氣麤。千金



快意買歌笑。禮法區區安足拘。傾心倒意  
向賓客。推牛置酒恣歡呼。忽傳姓字坐沙  
汰。歌曲未竟門客適。昔時請謁為親者。倉  
卒化為秦與胡。已經十日伏草莽。欲去不  
得仍躊躇。我聞拔劍為子起。仰天疾視情  
無愉。世間萬事盡雲態。白衣蒼狗在斯須。  
神魚處陸困螻蟻。鷺鳥翻身避獵弧。李廣  
有時愁醉尉。魏其何能庇灌夫。古來豪貴  
有顛倒。張公張公莫嘆吁。

寄嘲江子

江生突兀揚文風。千奇萬怪難與窮。博物  
豈惟精爾雅。識字何止過楊雄。古心已出  
丘索上。邃旨或與神明通。求深索隱苦不  
置。一言忌使流俗同。令弟大篆逼鐘鼎。絕  
藝恥作斯邕等。生也為文遣弟書。一出皆  
稱二難並。縱有楚史不可讀。滿堂觀者徒  
張目。少年往往致譏評。生也不言但捫腹。  
君不見好醜從來安可期。豪傑有時翻自



疑伯牙竟為知音。惜卞氏能無抱璞悲。請君寶此無易轍。聖人復起當相知。

### 東湖書院歌

東湖之岸雲樹林。仙人樓閣長陰陰。秋濤春漲巖洞深。風宵雨晝蛟龍吟。久從斑竹聆湘瑟。更向蒼梧訪舜琴。蒼梧一去三千里。明公突兀高門起。富貴天涯重首丘。歲時堂下悲流水。壘壘尋源苦不置。悠悠注海情無已。故渚今池宛相似。卜築題名總

為此此地移家幾十秋。風光如在楚江頭。誰云信美非吾土。委心大觀皆虛舟。已成新第象桑梓。更營別墅依汀洲。神臯奧區表靈異。迴溪複嶂圍深幽。花竹豈徒恣蕭散。宮墻直欲備藏脩。諸生四方遠親就。羣書萬卷紛校讎。縣鐘待叩有餘響。提刀迎解魚全牛。橫經獨擁臯比坐。乘興時披鶴氅遊。達者升堂許游夏。愛客掃徑延羊求。一丘一壑豈足繫。時止時行不自由。懸車



欲卧弓旌迫。鳴騶已出亭。臺留千年科斗  
守篋笥。四時猿鶴司松楸。只今霄漢夢江  
灘。覺來枕簟失風湍。山中悵憶八公桂。澤  
畔空懷九畹蘭。四海蒼生未肯釋。何日東  
山歸謝安。

豪士吟贈王氏

君家高樓臨漢水。落日悲風白雲起。門垂  
楊柳千萬株。長條直拂洪波裏。我來繫舟  
古楊下。秋深岸束蒹葭靡。此時歸思正鬱

陶。偶爾逢君行且止。邀我置酒開綺筵。庖  
子擊肥兼割鮮。海榴新擘寶房碎。湘橘旋  
摘金子圓。翠袖成行獻歌舞。授色知心次  
第前。堂中食客多且賢。寶刀錦帶光接聯。  
持觴遞進勸我酒。四座為壽俱萬年。平原  
十日飲未足。白首酣歌凌紫煙。自矜膂力  
莫與伍。俠氣翩翩尤擅武。角弓十斛左右  
張。蛇矛丈八盤旋舞。櫪上生駒六駁姿。猛  
士如林不敢騎。控鬣鳴鞭一躍上。疾馳緩



步衆稱宜。男兒身手有如此。壯節奇功皆  
可為。君不見道阻天寒。行旅苦。水有毒蛟  
山有虎。請君殺蛟兼射虎。惡少紛紛安足  
數。

觀秋江晚渡圖歌

大梁五月成淹留。披圖忽憶瀟湘遊。眼底  
蕭條動秋色。誰驅楚澤來中洲。烟霞掩映  
蒹葭郭。鳧鷖點綴清虛閣。敗葦荒蒲豈雪  
霜。崩崖坼岸迷丘壑。岫口黃花幾歲開。楓

頭赤葉何年落。數舸依依古渡邊。細聽那  
聞呼渡傳。風帆浪楫兩不動。中流竟日空  
盤旋。晝短天寒洞庭闊。幾時可到蒼梧巔。  
松根一叟長箕踞。瞑色沙光自猶豫。蛟龍  
夜蹴濤如山。公無渡河且歸去。我家住在  
江之濱。十年落魄厭京塵。飄蓬海內渾無  
定。沮溺嫌予數問津。對此躊躇心日斷。丘  
也東西南北人。

醉贈李道士西歸



夢澤集卷之三  
尋師初到赤松家。愛客聊停白鹿車。皓首  
龐眉並園綺。向予歷歷道生涯。早入匡廬  
尋五老。晚從高少採三花。花下開尊玉液  
濃。尊前拂檻紫芝重。雲裏碧簫呼彩鳳。洞  
中丹竈護蒼龍。蒼龍彩鳳相摧促。欲上空  
虛謝塵俗。緬懷紫氣沒流沙。便訪青牛度  
函谷。函谷迢迢萬古存。伯陽一去幾朝昏。  
到日如逢闕令尹。仍留道德五千言。

夢澤集卷之四

夢澤集卷之五

黃岡王廷陳撰

詩

在館卽事二首

長日稀朝謁。兼之簿領無。閉門人伴鶴。染翰吏兼儒。風砌翻紅藥。晴軒映碧梧。雖云棲省署。蕭散卽蓬壺。

其二

幸接神仙侶。來遊翰墨林。空庭無候吏。古



木有鳴禽。疑義更相析。成詩衆與吟。長楊  
猶未賦。宴坐愧朝餐。

院中齋宿

落日閑深院。齋心事事幽。雪梧繁徑色。煙  
柳帶渠流。隱几春星擁。焚香暗霧留。窺人  
愛雙鶴。對爾肅清修。

駕出

享帝春正及。行天羽衛攢。百靈迎萬乘。夾  
轂候千官。後騎迴丹闕。前旌駐壁壇。佇瞻

馳道上。佳氣逐鳴鑾。

大祀

香殿裊氤氳。鈞天九奏聞。帝臨趨袞冕。神  
至各風雲。肅肅宮壇啓。依依黍稷芬。甘泉  
繡賦頌。吾已愧雄文。

駕幸南海子

南郊初禮帝。上苑復誇胡。虎兕先聲伏。車  
徒翼輦趨。網羅張一面。部曲用三驅。侍從  
羣臣在。應知諫獵無。



駕入

鏡音傳晚甸。芝火動春城。一路青陽送。千  
門紫氣迎。龍鸞迴國步。星月扈天行。大內  
通宵入。祥煙達旦生。

慶成宴

園丘大禮協。聖酒百官傳。霄漢流仙樂。風  
花捧御筵。尊留春殿月。佩委夕墀煙。不數  
汾遊日。真同鑄宴年。

八厓周子邀飲未赴聊此謝過兼索

觀群公席上之作

不赴仙堂宴。幽期隔綵雲。祗緣憐數會。翻  
遣惜離群。地邇騷壇接。天迴劍氣分。風來  
度香草。佳句許相聞。

送周侍御按貴州

近憐周柱史。持節向遙天。霄漢花驄出。江  
湖錦纜牽。彭蠡千棧閣。浩蕩百蠻烟。春盡  
南征日。衣冠覺爾賢。

送夏大行奉哀詔使南紀



我亦天涯客。看君萬里行。浮湘遷史跡。喻  
蜀馬卿情。雲氣蒼梧野。楓林白帝城。壯遊  
茲不忝。海內早知名。

寄兄

吾家雙玉樹。何事自西東。鴈塔雲霄上。鶴  
原江海中。趨庭萊子絲。旅食薊門蓬。祗益  
憐毛質。飛騰萬里同。

寄鷄鳴寺真上人

悵憶遠師室。留人一榻深。雲霞淹佛日。花

鳥散禪林。閣俯春城麗。軒留晚岫陰。煩君  
招白社。於此謝冠簪。

郭外即事

病卧閉門久。占晴起看花。城行紆霧縠。草  
坐藉煙沙。繡騎蘿風合。停鶯竹日斜。芳菲  
愁即歇。留賞滯生涯。

紀聞

禁城馳道接。行殿獵原侵。布騎圍熊館。鳴  
弦合羽林。似聞驅猛獸。已見失前禽。暴殄



承天物。仁哉祝網心。

贈人

南塘個倚士。薄宦向西隈。石竹臨江映。春雲抱峽流。徘徊去國日。浩蕩望鄉愁。莫厭卑棲地。三巴足壯遊。

送劉振廷令慈利

別離古有調。送爾一長吁。遠下荆門鷁。雙飛漢殿鳧。鳴琴依石篠。岸幘眺春湖。暇日煙花興。風流陶令俱。

劉氏雙挽

日月仙丘闕。風流古調更。尚餘松栢氣。無復鳳簫聲。龍劍人間覓。魚軒地下迎。庭堦有玉樹。應慰九原情。

送李子中養病歸

省署辭京邑。庭闈指大梁。經年盡鯉對。即日謝鳩行。採藥春嵩少。紮蘿舊草堂。君無戀脩竹。人擬獻長楊。

其二



承天物。仁哉祝網心。

贈人

南塘個倚士。薄宦向西隈。石竹臨江映。春雲抱峽流。徘徊去國日。浩蕩望鄉愁。莫厭卑棲地。三巴足壯遊。

送劉振廷令慈利

別離古有調。送爾一長吁。遠下荆門鷁。雙飛漢殿鳧。鳴琴依石篠。岸幘眺春湖。暇日煙花興。風流陶令俱。

劉氏雙挽

日月仙丘閼。風流古調更。尚餘松栢氣。無復鳳簫聲。龍劍人間覓。魚軒地下迎。庭堦有玉樹。應慰九原情。

送李子中養病歸

省署辭京邑。庭闈指大梁。經年盡鯉對。即日謝鳩行。採藥春嵩少。紮蘿舊草堂。君無戀脩竹。人擬獻長楊。

其二



游曠傷人事。與衰感世情。猶傳授簡叟。無  
復抱關生。客散梁王苑。人耕宋帝城。行多  
懷古詠。一一寄同聲。

寄夏大行

銅柱標南紀。荆門控百蠻。詔從霄漢下。槎  
過斗牛間。江山迴黯慘。谿洞鬱躋攀。預想  
趨朝日。應多邊徼顏。

慰馬子足疾

漢帝羣臣侍。居然司馬賢。那能多病後。不

廢子虛篇。鳳鳥人爭覽。雲霄翼異可憐。千金  
善自保。清廟待朱絃。

世其席上餞大復先生

夫子關西去。扳留我輩情。風燈破暝色。月  
柝助秋聲。去住天涯決。文章海內名。從今  
輟侍從。霄漢望金莖。

過廖子故宅

庭樹留尊處。空餘覆苑雲。馴堦舊鳥雀。落  
日噪紛紛。琴罷廣陵散。匣遺封禪文。悲風



立馬際。隣笛不堪聞。

遊仁壽寺

鷲嶺迴孤塔。祇林鬱近城。幽人耽寂樂。秋  
日偶經行。巖閣繁蘿細。溪庭抱竹晴。欣然  
坐禪榻。聊以憇塵纒。

九日登仁壽寺後山

九日攜朋出。花宮背郭開。藉蘭坐香岫。捫  
棘臨高臺。鴈渺川雲斷。林孤甸色迴。悲秋  
亦楚客。作賦豈吾才。

夜坐鄭子宅彈琴分韻得琴字

言訪少谷子。呼童攜素琴。爲發絲桐趣。俱  
諧山水心。徑轉松篁室。堂虛風月侵。再彈  
吾不惜。此地有知音。

寄八厓子

吾子嗟行役。他鄉感別離。一辭西掖路。三  
復北山詩。日下花驄出。天邊旅鴈悲。亦知  
復不遠。明歲及瓜期。

寄顏許州



吾友二三輩。無如回也賢。慚非清廟曲。得  
藉朱絲絃。豈乏雙魚至。寧怪尺素傳。離群  
今已久。望子數予愆。

送龍廷重為榮府長史

榮國今宗國。君材實楚材。周家親魯衛。梁  
苑重鄒枚。杖屨丘園接。琴書殿閣開。天邊  
倦鳥飛。霜雪早歸來。

其二

未謝金門籍。先諧靜者私。桃源春泛穩。桂  
苑月遊遲。洞口漁人艇。花間帝子卮。茲行  
有詞賦。不必吊湘纍。

得周侍御子賢書喜作二首

自爾乘驄出。今予愴別離。經年一書札。萬  
里轉相思。天隔西南域。秋憐鷹隼姿。霜空  
望擊搏。莫使羽毛垂。

其二

去歲吾鄉友。追陪良可歡。月吟耽夕檻。花  
宴簇春欄。豈意乖雲雨。翻令隔羽翰。獨憐



松檜色。青翠耐天寒。

雪東曹子

君本建安子。來遊京兆天。時聞郢中曲。其  
憶剡溪船。庭篠暝猶白。檻蘿春欲烟。何嘗  
載酒過。一問子雲玄。

贈方子二首

近接棠陵子。昂藏野鶴姿。跡留青鎖地。聲  
徹白雲司。竟阻江湖去。翻嗟燕雀欺。烟霄  
當奮起。歸覓舊棲枝。

其二

鄰並復同調。過逢數舉杯。謝公興不淺。莊  
鳥吟何哀。霞日赤城曉。雪濤滄海迴。何當  
共舟去。攜客訪蓬萊。

立春

春旭自堪憐。春秋旅病偏。暄迴沙甸雪。潤  
合柳城烟。坐憶江臯上。行知草樹鮮。淹留  
慨時序。盤菜不須傳。

天津月夜借曹子舟坐



繫月舟航偶。臨流鼓吹哀。星檣扶岸出。霜  
葉灑汀迴。鷓起南天迥。龍吟北海開。淹留  
候明發。共爾一登臺。

河西務別許子居

留滯金門客。追陪畫省郎。開筵迴浦淑。倚  
檻出帆樯。琴動幽蘭操。詩傳伐木章。風塵  
連解纜。天地一沾裳。

晚泊訪李仲玉

宵之事幽尋。危巖倒月侵。石門面蒼渚。桂

楫倚丹林。風竹和龍笛。冰絃藉鳳琴。酒闌  
各分手。天漢忽橫參。

臨清舟次別曹子三首

憶昔同嚴譴。隨君下瑣闈。龍蛇寒自逝。鷓  
鷺晚分飛。棹戛城氛渺。檣翻浪月微。轉令  
岐路淚。暗滿逐臣衣。

其二

對酒話今昔。茫茫來遠陰。逆鱗批不死。回  
首感何深。此地一分手。他鄉長別心。所期



持壯節。無後計。升沈。

其三

寡合時。應棄。多憂日不勝。漢京瞻比日。周  
道履如冰。顧已無長策。徒然負直繩。畏途  
各自愛。舊署望同升。

李沔陽自大梁經裕州因贈三首

雪夜梁王宴。霜秋宋玉愁。回瞻嵩嶽峙。去  
逐楚江流。少室三花樹。滄浪一葉舟。南行  
正搖落。知爾憐心休。

其二

湖水迴城郭。風流暇日多。宵追李白泛。時  
聽越人歌。伐鼓驚鷗鷺。揚檣拂芰荷。須君  
為地主。獨舸杪秋過。

其三

愛汝今山簡。為邦後水鄉。幽懷寄魚鳥。儉  
德續羔羊。憑几煙霞潤。牽帷蘭杜香。誰知  
詞客興。不下大夫堂。

齊中即事



僕吏經旬少。深秋百感生。蒼苔侵竹戶。白日下楓城。鼓瑟焚香坐。籠園散髮行。天邊暮鴻鴈。故傍客愁鳴。

被建道中別舅氏歸

殊方秋更苦。失路暫相將。身世悲江夏。軒車感渭陽。勿傳三木慘。驟使二親傷。會有生還日。心無愧彼蒼。

被建發裕州夜作呈諸公

空館秋偏寂。窮途旅易哀。砌虫巡夕動。塞鴈預寒來。肱已經三折。腸應倍九回。願逢吹律者。坐使積陰開。

懷故園書屋。往年同伯兄。講業其中。北遊深歲月。南望阻關河。尚想雙龍卧。翻驚獨鴈過。夢勞扳徑栢。春擬葺垣蘿。回首藏脩地。浮名柰爾何。

有感二首

多難已如此。良朋今是誰。傍觀紛竊笑。對泣一空悲。虎口幾不免。人心安可知。古交



難獲親。三復谷風詩。

其二

平生矜結客。一旦失交親。掉臂不我顧。開  
心欲誰陳。轉見彎弓者。那聞擊筑人。翻思  
古游俠。高義亦嶙峋。

出繫侯放父未獲命煎學成詩

待罪形將影。言歸去復留。悲風憐代馬。喘  
月愧吳牛。畫地心猶憚。呼天淚莫收。強顏  
稱不辱。俛首欲何求。

出獄董氏宅夜飲書懷兼贈董氏兄弟

多難心逾壯。高情宴獨遲。風篁迷晚徑。煙  
草暗春池。射虎還疑石。驚鳥尚繞枝。綠君  
念兄弟。把酒誦鷓鴣詩。

出獄後歸興二首

垂爾網能漏。依然劍尚埋。側身向天地。壯  
志委塵埃。覆水今無及。懷沙古有哀。回思  
刀筆吏。疑懼轉難裁。



其二

孤憤辭梁獄。高歌望楚鄉。烟花春沔鄂。樓閣畫瀟湘。吊古懷增慨。尋仙事頗荒。何如共漁父。一笑詠滄浪。

同子言南歸道中賦竹桃二物

舊潛湘浦岸。兼慕武陵源。獨造非無興。成蹊本不言。七賢應共逸。三士竟何冤。物態依行色。羈軔想故園。

道中憇廢寺三首

徙倚前朝寺。依棲舊法筵。狸啼白晝龍象泣。諸天寶樹縈蛛網。蝸涎繡石蓮。給園猶寂寞。岐路倍堪憐。

其二

解綬辭塵網。停車理石筵。金花何地布。寶月幾時圓。殿古蒼苔積。臺空紫蔓懸。那知臨筆土。煩惱障無邊。

其三

寶地元虛寂。金仙合杳冥。空林沈紫翠。臺



壁落丹青。羈旅暫投跡。殘僧一啓扇。迷方  
隨處是。含意訊山靈。

送人

楚地惜分手。春風悵別顏。王孫草新綠。帝  
子竹餘斑。干主攜書去。期君揚策還。男兒  
有如此。應不滯鄉關。

江上言懷四首

野闊風雲入。天迴楚蜀通。渚禽多白鷺。巖  
樹半青楓。哀怨湘君曲。平成夏后功。晚來

懷古意。極目送冥鴻。

其二

岸東海聲急。軒疑野色重。山懸神女雨。江  
進楚王風。舟楫爭先涉。閭閻急暮春。平生  
壯遊興。潦倒對魚龍。

其三

平野蒼煙合。高城白鳥過。澤蘭懷楚客。石  
竹隱湘娥。谷響歸樵唱。江鳴發棹歌。夕陽  
夏蔭際。將奈暮愁何。



其四

月上船猶進。江寒酒自寬。弄珠元此夕。解  
珮復何灘。島嶼樽前動。星辰鏡裏看。漁歌  
中夜起。余亦飭繪竿。

溪邊晚興

萬井皆秋色。千巖盡落暉。谷喧隣牧散。溪  
響夕漁歸。初月懸楓岸。餘霞戀竹扉。坐來  
憐夜永。霜露入人衣。

暮春借二三子登定惠院亭

臺榭枕黃州。春深岸幘遊。雲孤開石壁。地  
拔俯江樓。觸目烟花散。傷心歲月流。棄捐  
知已矣。童冠幾銷憂。

席上贈熊掾

吏事資儒術。秋筵接故鄉。周官欽八議。漢  
法重三章。亭倚林巒赤。園看橘柚黃。里棲  
勿嘆息。毛質本鸞凰。

夜簡王少參舟中

薇省辭黃鶴。蘭橈伴白鷗。岸迴霜月抱。江



迥雪雲流。銀漢乘宵上。金陵逼歲留。田租  
聞賜減。側識漢皇憂。

### 觀江漲

旬月一來此。懷襄真可憂。龍蛇棲樹杪。鷗  
鷺集城頭。天接江湖混。波搖郡邑浮。青錢  
吾已辦。急為買漁舟。

### 春日書室示諸子

家聲看子弟。世緒衍箕裘。豹隱文當變。燕  
鳴友可求。車門大戴禮。入室汝曹優。閭里

高明在。須乘駟馬遊。

### 劉子好辯而不遇詩以贈之

美名吾久識。雄辯古難逢。君獨談非馬。人  
皆好似龍。早於干祿拙。晚向結交慵。予亦  
棲遲者。相將學老農。

### 寄館中諸友

一斥嗟江國。同遊憶禁林。如聞視草暇。猶  
有拔茅心。人事傷川逝。吾生嘆陸沈。百年  
頻泣玉。衆口已銷金。



江上贈夏明府

令尹官初試。江邦政已成。節如秋壁峻。心  
擬石潭清。願契烹鮮理。無矜拔薤名。操刀  
知善割。愛助亦吾情。

喜廖子過訪席上奉贈八首

畫舸經黃國。肩輿訪白雲。雪行沙草濕。風  
坐圃梅芬。軒冕非吾意。鳧鷖本自群。無煩  
談世事。杯酒但論文。

其二

供奉違東觀。旋歸侍北堂。衣冠照桑梓。詞  
賦吊沅湘。野岸桃花發。春洲蘭葉香。他時  
三徑裏。遲子洗壺觴。

其三

自喜暫無拘。來從江海徒。尋仙憇黃鶴。謁  
帝向蒼梧。澤坐舟偏繫。山行杖屢扶。知君  
留滯處。高興屬春湖。

其四

未暇泛湘水。徒然卧楚雲。神龍那可係。野



鶴故難群。世路誰知己。交情獨有君。懸知  
今夜別。劍氣斗間分。

其五

霄漢長懷侶。江湖已卜居。山人惟白鹿。學  
士自銀魚。名致諸公早。書開萬卷餘。漢臣  
誰得似。詞賦有相如。

其六

地迴臨江閣。天迴上斗槎。潛行歌白石。好  
去羨皇華。登嶽元無極。浮湘未有涯。明朝  
相望地。莫遣暮雲遮。

其七

別我寒移棹。懷君暮倚楓。來經黃子國。去  
傍楚王宮。谷口桃千樹。山中桂幾叢。故園  
春定好。留醉向東風。

其八

奉使仍將母。來遊荆楚天。江光藉日色。爭  
繞孝廉船。翠竹筍新茁。銀絲鱸可憐。帆邊  
梅柳樹。歷歷漢陽川。



夜宴即事

樓閣芳樹合。逕轉落花深。向夕香風起。當  
筵皓月臨。游人爭解珮。侍女拾遺簪。坐上  
絕纓者。應知賢主心。

寄方思道七首

赤壁陪仙宴。蒼江識壯顏。使君趨石上。候  
吏出花間。解纜欲何往。投簪及此還。長風  
解相送。一瞬萬重山。

其二

觀日臨滄海。歸山卧白雲。遙尋少谷子。同  
謁武夷君。心迹能兼遂。東南美並聞。猶期  
為世用。且莫去人羣。

其三

偃卧非關病。連章祗乞骸。鶯花供謔浪。杯  
酒送詼諧。無用樛因兔。難容匏已垂。因風  
寄同調。好去入君懷。

其四

聞爾遊華頂。令予夢彩烟。戶庭羅峭壁。枕



簾落飛泉。山有藏書穴。溪送多酒船。春江  
如有興。花裏到吳天。

其五

憶爾東歸日。長為吳會吟。春鶯臨水曲。夜  
棹入山陰。結侶遊能數。迷人去轉深。蘭若  
如可折。莫惜寄雲林。

其六

逢時非不達。憤世獨難平。拔劍出門去。揚  
帆際海行。雖貪謝客賞。猶繫子牟情。此地  
便高卧。無令負聖明。

其七

中朝俱屬望。流輩總相推。予慕長卿賦。人  
傳幼婦碑。七襄終莫報。九逝竟空思。世路  
風塵滿。茫無見汝期。

奉答富順王殿下二首

帝室分封重。王孫別館開。禮於南嶽啟。客  
比小山才。為善心知樂。通親表自裁。雄風  
難可挹。何日侍蘭臺。



其二

國自荆藩析。書從孔壁傳。瞻天蒙肺附。朝  
海切心懸。賓從思梁苑。精誠感洛川。晚來  
風稍勁。吹月暈生圓。

馬侍御見訪山中

村巷傳呼急。秋園報爾過。烏啼城日曉。鷹  
疾野風多。繡服臨樵牧。花廳駐薜蘿。霜威  
吾所憚。暫為假陽和。

其二

一辭金馬籍。甘老白雲岑。喜子今持斧。憐  
予此盍簪。各天晤不數。末路契逾深。徙倚  
庭前樹。樓鳥欲涵林。

湖泛

楚地饒洲渚。騷人戀艾荷。鷁舟張錦席。龍  
笛起滄波。鳥影隨樞影。漁歌入棹歌。前溪  
聞更好。欲進暮煙多。

過諸子書屋寄虞文表

三禮傳非謬。諸生仰獨深。偶經伐木地。徒



有折麻心。雪調朱絃盡。星文寶劍沉。憐君  
困已久。梁父自長吟。

秋園酌謝子而贈之以詩

待汝頻扳桂。憐予久繫袍。無嫌一日長。願  
結百年交。啓戶驚黃葉。開尊藉白茅。自無  
奇可問。何惟世人嘲。

其二

兒童操翰墨。四十且無成。自汝工諸體。令  
予畏後生。吾里中丞齋。前朝太傅名。高才

有如此。真不愧家聲。

其三

我舅為生祖。生名較我嘉。忘年稱小友。累  
世屬通家。王謝賢非乏。園廬路不遐。逼衰  
偏篤舊。數見惜年華。

寄友人

之子鎮南荒。威名萬里揚。經年闡選士。計  
日欲擒王。神武元無戰。佳兵乃不祥。寄言  
投筆者。何事樂關疆。



喜舒鄭二子夜過

寒景沈江閣。繁星綴石林。一時來二子。散  
帙復鳴琴。高價真連璧。深盟可斷金。從今  
三徑熟。攜手數相尋。

鄭生

鄭生才可憐。白首困江邊。長夏自饒睡。窮  
途人餽錢。相過夜不厭。與語日堪延。共試  
山家茗。呼兒行汲泉。

馮太守席上留別一首

漢室馮公偉。為郎歲月饒。一麾煩出守。白  
首竟誰招。初雨傳觴日。微涼秉燭宵。相看  
意無限。明惜馬蹄遙。

江上送張子二首

天風忽然至。吹地轉蓬科。別淚隨江水。離  
聲雜棹歌。花時臨赤壁。鴈候渡黃河。京室  
懷予處。長塞舊薜蘿。

其二

他時懷大士。何地望京華。詞賦留香草。衣



裳見紫霞。天邊今翔鳳。澤畔已秋花。歸路衝寒色。翻思楚客家。

謝氏宅夜集

過爾通宵宴。留人樂事繁。詩題芸草室。觴倒菊花軒。月落城烏起。霜寒櫪馬喧。醉來聊隱几。旭日散柴門。

溪邊二客過訪

白露窺楓浦。蒼苔上石門。人稀簷雀下。草冷砌蟲喧。竹裏開三徑。花間倒一尊。從今

延三仲相與樂丘園

秋日過十一叔庄

陶潛耽漉酒。阮籍好鳴琴。沙雁衝人起。山蟬傍馬吟。高秋花是菊。僻地竹為林。醉後迷歸路。蒼茫下夕陰。

聞曹子仲禮緣近臣之疏蒙賜還之  
恩事出不虞聊題斯句

竄逐南天路。荒涼北斗文。翻飛元不意。憂喜在初聞。驄馬重趨闕。金鷄兩赦君。獨傷



荊棘裏。誰別鳳鸞羣。

病後飲十一叔宅同諸兄弟

川雲流苑細。樓月照筵新。弄玉元秦女。凌  
波本洛神。竹林明積雪。池草暗生春。骨肉  
情親夜。深杯慰採薪。

溪邊即事呈友人四首

歲晚人猶隔。江寒晝不譁。松門當遠岫。竹  
檻俯平沙。鷺宿依冰片。鷗飛亂雪花。如聞  
子猷棹。乘興到山家。

其二

空齋灘響入。塌岸水痕除。竹杪喧簷馬。芸  
邊走壁魚。明無題鳳字。村有卧龍廬。曲巷  
寒門裏。空傳長者車。

其三

推窗迎嶠立。垂釣鑿冰開。未葉先生柳。餘  
花處士梅。鳥從烟裏度。人向雪中來。暝色  
青溪上。緣君首重回。

其四



佳景每自慙。幽期孰與論。林間延岫色。沙  
地滅溪痕。洗藥穿松葉。移尊傍竹根。江山  
待詞客。几杖向誰門。

李國賓宅留別一首  
孫藉師以賀歲會

汝拜朝正表。予留謁帝居。經年思鳳吹。幾  
度寄魚書。患難詎逾篤。流連哀未除。行吟  
愁懔懔。他日吊三閭。

送顧醫

藥圃文園客。淹留顧虎頭。我看方士傳。君

向古人求。藥裹春心滿。風帆晚浪收。匡廬  
傍南斗。歸作採芝遊。



夢澤集卷之五



